

Հավելված

Մասիս համայնքի ավագանու

«        » «        » 2024 թ.

N -Լ որոշման

**Հայաստանի Հանրապետության Արարատի մարզի Մասիս համայնքի կամավոր  
խնդիրները, դրանց լուծմանն ուղղված սեփական լիազորությունները և իրականացման**

**Կ Ա Ր Գ**

1. Սույն կարգով սահմանվում են Հայաստանի Հանրապետության Արարատի մարզի Մասիս համայնքի (այսուհետ Համայնք) կամավոր խնդիրների և դրանց լուծման նպատակով համայնքի տեղական ինքնակառավարման մարմինների սեփական լիազորությունների և դրանց իրականացման հետ կապված հարաբերությունները:

2. Համայնքի կարևոր խնդիրներն այն խնդիրներն են, որոնցով համայնքային կյանքի բնականոն ընթացքը ուղղակիորեն պայմանավորված չէ և կարող են իրականացվել միայն պարտադիր խնդիրների լուծման համար անհրաժեշտ ֆինանսական միջոցներից բացի, հավելյալ ֆինանսական միջոցների առկայության դեպքում:

3. Համայնքի կամավոր խնդիրներն են՝

ա. Համայնքի բնակիչներին սոցիալ-տնտեսական, սոցիալ-հոգեբանական, սոցիալ-մանկավարժական, սոցիալ-բժշկական, սոցիալ-աշխատանքային, սոցիալ-իրավական կարիքներին համապատասխան օգնության տրամադրման կազմակերպումը:

բ. Համայնքի հանրակրթական դպրոցների գործունեության աջակցումը

գ. աջակցումը և խթանումը համայնքում սպորտի զարգացմանը

դ. աջակցումը համայնքի հոգևոր և մշակութային կառույցներին ու կազմակերպություններին՝ նպաստելով ժողովրդի հավատքին և նրա նյութական ու հոգևոր վերելքին

ե. Տեղական ինքնակառավարման արդյունավետությունը բարձրացնելու նպատակով և (կամ) հանրային շահերից ելնելով անդամակցումը Հայաստանի համայնքների միություն ՀԿ-ին, աջակցումը համայնքում գործող այլ ՀԿ-ներին և Համայնքի կողմից ստեղծված հիմնադրամներին:

4. Սոցիալական աջակցության վերաբերյալ կամավոր խնդիրները լուծվում են համայնքի ավագանու սահմանած չափորոշիչներով:

5. Հմայնքի ղեկավարի կողմից ստեղծված սոցիալապես անապահով և կյանքի դժվարին իրավիճակում հայտնված ընտանիքներին սոցիալական աջակցության տրամադրման գործընթացն ապահովող մշտական գործող հանձնաժողովի կողմից (սահմանված չափորոշիչներին համապատասխան) տրված դրական եզրակացության հիման վրա համայնքի ղեկավարի կողմից կայացվում է սոցիալական աջակցություն տրամադրելու որոշում.

ա. Համայնքի ղեկավարի կողմից սոցիալապես անապահով ընտանիքներին հատկացվող միանվագ սոցիալական աջակցության առավելագույն չափը սահմանվում է 200.000 (երկու հարյուր հազար) ՀՀ դրամ: Նույն ընտանիքին 1 (մեկ) օրացուցային տարվա ընթացքում հատկացվող գումարը չի կարող գերազանցել 400.000 (չորս հարյուր հազար) ՀՀ դրամ:

բ. Սոցիալապես անապահով ընտանիքի անդամի մահվան դեպքում հուղարկավորության կազմակերպման համար մահվան օրվան նախորդող 3 (երեք) ամսվա ընթացքում դիմելու դեպքում հատկացնել դրամական աջակցություն, առավելագույնը՝ 100.000 (մեկ հարյուր հազար) ՀՀ դրամ:

գ. միայն պետական հավատարմագրում ունեցող բարձրագույն, նախնական մասնագիտական (արհեստագործական) և միջին մասնագիտական ուսումնական հաստատություններում սովորելու դեպքում սոցիալապես անապահով ընտանիքներին տրամադրվում է ուսման վարձի հատկացում մինչև 100.000 (մեկ հարյուր հազար) ՀՀ դրամ չափով՝ 1 (մեկ) օրացուցային տարվա ընթացքում 1 (մեկ) անգամ: Բացառություն ԱԳՀ-ում (Անապահովության գնահատման համակարգ) հաշվառված և այն ընտանիքների, որոնց ուսանողների վարձավճարը մասնակի կամ ամբողջությամբ զեղչվում է պետության կողմից:

դ. Արգելվում է ուսման վարձի հատկացումը համայնքի բնակիչ չհանդիսացող անձանց, համայնքի ղեկավարի, ավագանու անդամի ընտանիքի անդամներին, համայնքապետարանի աշխատակիցների ընտանիքի անդամներին:

6. Հրատապ լուծում պահանջող և անհապաղ աջակցության անհրաժեշտության վերաբերյալ (100 ամյակը բոլորած տարեցներին, Հայրենական Մեծ պատերազմի

վետերաններին, զոհված զինծառայողների, զիծառայողների, հաշմանդամների ընտանիքներին աջակցելու դեպքեր, մեկ ծնունդով երեք և ավելի երեխա ծնվելու, միայն տարեց կենսաթոշակառուներից կազմված ընտանիքներին, դժբախտ պատահարի, բնական կամ տեխնածին աղետի պատճառած վնասի փոխհատուցման, կյանքին և առողջությանը վտանգ սպառնացող դեպքերում) տրամադրվում է սոցիալական աջակցություն մինչև 400.000 (չորս հարյուր հազար) ՀՀ դրամի չափով:

7. Արգելվում է սոցիալական աջակցության հատկացումը համայնքի բնակիչ չհանդիսացող անձանց, համայնքապետարանի աշխատակազմի աշխատակիցներին, նրանց ընտանիքի անդամներին, ավագանու անդամի ընտանիքի անդամներին:

8. Սոցիալական աջակցությունը նույն ընտանիքին կարող է տրամադրվել 1 (մեկ) օրացուցային տարվա ընթացքում առավելագույնը 3 (երեք) անգամ:

9. Համայնքի կամավոր խնդիրների և դրանց համար սեփական լիազորությունների իրականացման համար համայնքի բյուջեով նախատեսված ֆինանսական միջոցները չեն կարող գերազանցել համայնքի ընթացիկ տարվա բյուջեով նախատեսված սեփական եկամուտների 11 %-ը:

10. Կամավոր խնդիրների լուծման համար ֆինանսական միջոցների հատկացումը իրականացնում է համայնքի ղեկավարը՝ համայնքի բյուջեով նախատեսված հատկացումներին համապատասխան և միայն դրանց համար անհրաժեշտ ֆինանսական միջոցների հատկացման չափերի մասին ավագանու որոշումների կամ համաձայնության առկայության դեպքում:

11. Այն դեպքում, երբ կամավոր խնդրի լուծումը նախաձեռնում են համայնքի բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտները, ապա վերջիններիս կողմից լիազորված ներկայացուցիչը (այսուհետ նախաձեռնող) համայնքի ղեկավարին է ներկայացնում կամավոր խնդրի լուծման իրականացման վերաբերյալ դիմում՝ նշելով դրա նպատակը և անհրաժեշտության հիմնավորումը, խնդրի կարգավորման համար անհրաժեշտ ֆինանսական միջոցի չափը և անհրաժեշտության հիմնավորումը հավաստող փաստաթղթեր, եթե դրանք առկա են:

12. Համայնքի ավագանու որոշման մեջ նշվում են՝ կամավոր խնդրի իրականացման համար անհրաժեշտ ֆինանսական միջոցների չափը և անհրաժեշտության հիմնավորումը, իսկ կամավոր խնդրի լուծման իրականացումը մերժելու դեպքում՝ մերժման պատճառները, փաստական և իրավական հիմքերը:

ՀԱՄԱՅՆՔԻ ՂԵԿԱԿԱՐ



ԴԱԿԻԹ ՀԱՄԲԱՐՁՈՒՄՅԱՆ